

1. Քրիստոսը մեզ կանչում է փրկության
 եվ հավիտենական խաղաղության,
 Ի՞նչ ես դանդաղում վերջին օրերում,
 Դու՝ խեղճ պանդուխտ այս մեղքի աշխարհում:

2. Նա քեզանից ոչինչ չի պահանջում,
 Այլ կորստից քեզ փրկել է ուզում,
 Մի՛ մերժիր այդ սիրո հրավերը,
 Հիսուսի առջև բացի՛ր քո սիրտը:

3. Այստեղ թշնամին մարդկային հոգու
 Ուզում է, որ դու ապրես խավարում,
 Բայց դեռ վառվում է փրկության լույսը,
 Քեզ է կանչում հավիտենությունը:

4. Գուցե հաճախ ինքդ էլ ես հասկանում,
 Որ մեղքի կյանքն է քեզ ապականում,
 Բայց դեռ անհոգության մեջ քնած ես
 եվ կործանման մասին մոռացել ես:

5. Ժամանակը դեռ քեզ է սպասում,
 եվ Աստված քեզ փրկության է կանչում,
 Ի՞նչ ես մտածում այս սուղ օրերում
 Դու, խեղճ պանդուխտ այս մեղքի աշխարհում: